

Na osnovu člana 2.12. stav 5. Izbornog zakona Bosne i Hercegovine („Službeni glasnik BiH“, broj: 23/1, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), člana 7. stav 1. (a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24) i člana 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15, 9/20 i 23/24), Općinsko vijeće Vogošća na sjednici održanoj 30.01.2025. godine, donijelo je

**O D L U K U**  
**O OBJAVLJIVANJU JAVNOG OGLASA ZA IMENOVANJE JEDNOG (1) ČLANA**  
**OPĆINSKE IZBORNE KOMISIJE VOGOŠĆA**

**Član 1.**

Ovom Odlukom utvrđuju se osnovni uslovi za objavljivanje javnog oglasa za imenovanje jednog (1) člana Općinske izborne komisije Vogošća.

**Član 2.**

Javni oglas iz člana 1. ove Odluke objavit će se u dnevnom listu „Oslobođenje“, WEB stranici i Oglasnoj ploči Općine.

Javni oglas iz člana 1. ove Odluke ostaje otvoren 8 (osam) dana od dana objavljivanja u dnevnom listu.

**Član 3.**

Kandidat za člana Općinske izborne komisije mora ispunjavati sljedeće opće uslove iz člana 2.2. Izbornog zakona BiH:

- a) da je lice sa pravom glasa,
- b) da je lice sa odgovarajućom stručnom spremom i iskustvom u provedbi izbora.

**Član 4.**

Pored općih uslova iz člana 3. ove Odluke kandidat za člana Općinske izborne komisije mora ispunjavati i sljedeće posebne uslove:

- a) da ima prebivalište u Općini Vogošća,
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS,
- c) da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji,
- b) članstvo u biračkom odboru na izborima za organe vlasti u BiH,
- c) obavljanje dužnosti sekretara izborne komisije,
- d) obavljanje poslova službenika centra za birački spisak,
- e) obavljanje poslova kontrolora izbornih rezultata
- f) obavljanje rukovodnih dužnosti u Glavnom centru za brojanje (direktor i zamjenik direktora),
- g) obavljanje poslova državnog službenika ili zaposlenika u Sekretarijatu Centralne izborne komisije BiH na poslovima koji su vezani za provedbu izbornog procesa u trajanju dužem od jedne godine.

**Član 5.**

U skladu sa članom 2.3. i članom 2.12. stav (7) Izbornog zakona BiH za člana Općinske izborne komisije ne može biti imenovano lice:

- a) koje se ne može kandidovati u smislu odredbi članva 1.6, 1.7 i 1.7.a) Izbornog zakona BiH,
- b) koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
- c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH,
- d) koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.
- e) kojem je izrečena kazna za radnju koja predstavlja težu povredu izbornih zakona ili propisa za koju je lično odgovoran, u posljednje četiri godine, računajući od dana pravosnažnosti odluke,
- f) koje je zastupnik odnosno punomoćnik političkog subjekta koji učestvuje na izborima,
- g) koje je pravosnažnom sudskom presudom osuđeno na kaznu zatvora u trajanju od šest mjeseci ili duže,
- h) koje obavlja izvršnu funkciju kako je utvrđeno odredbom člana 1.1a Izbornog zakona BiH,
- i) koje je osuđeno od strane bilo kojeg domaćeg ili međunarodnog suda za zločine genocida, zločine protiv čovječnosti ili ratne zločine.

#### **Član 6.**

Mandat člana Općinske izborne komisije Vogošća traje 7 (sedam) godina računajući od dana davanja saglasnosti Centralne izborne komisije BiH na Odluku o imenovanju člana Općinske izborne komisije Vogošća, donesenu od strane Općinskog vijeća Vogošća.

#### **Član 7.**

Sastav Općinske izborne komisije Vogošća treba biti multietičan i održavati zastupljenost konstitutivnih naroda u općini, uključujući i ostale, a prema posljednjem popisu stanovništva provedenom na državnom nivou.

U sastavu Općinske izborne komisije osigurat će se zastupljenost spolova u skladu sa Zakonom o ravnopravnosti spolova BiH.

#### **Član 8.**

Postupak po raspisanom javnom oglasu provest će Komisija za izbor i imenovanja Općinskog vijeća Vogošća (u daljem tekstu konkursna Komsija), koja u svom sastavu ima najmanje jednu osobu sa izbornim iskustvom.

#### **Član 9.**

Rok za podnošenje prijave po javnom oglasu iz člana 1. ove Odluke je 8 (osam) dana, od dana objavljivanja u dnevnom listu.

#### **Član 10.**

Ova Odluka stupa na snagu narednog dana od dana objavljivanja u Službenim novinama Kantona Sarajevo.

Broj:01-02-46/25  
Vogošća, 30.01.2025. godine

